

Natiksonari

A.D.: Nasihau tohusur nəpasusan siYesu Kristo.

ais: [nəais] Nəwai todaj nəboj tosusus buni vakot.

ak: [nəak] Nabiltibot aNoah toum həni hən nəbathudud san mai natit tiltile gail lotomaur asike lə̄bimat len nabiltius mai nilev tokabut gol navile a pan.

akat: [nəakat] Nəvat sua nətau han topəhapəhw o tomasiav be goləboi gəbekəta vi lohoim kəkereh.

alos: [nəalos] Nəhai sua, nalut gail lotomətortor. Nalut nəalos lutov pəpadaj hən nətan ɳai. Nasuhut nalut nəalos evi hai pəhas naJu gail lə̄bevəhas niben nəvanuan tomat həni hən asike biþo tutut be hən þipat beþəlav. Nalut nəalos ehum naluvera.

alfa: [alfa] Len nəalfapet silat a Kris, alfa evi naleta nametəkav.

ametist: [nəametist] Nəvat nətau han tobonþon ale imasil.

Appa: [aAppa] Nasoruan sua len nasoruan ta Aram, namilen ke Tata.

Areopakus: [nəAreopakus] Naþehuh sua tokad nahəsan nagot hən nəþalan silat a Atens, mai lokis nəmatsistret gail lotobətah lan nəAreopakus am.

baptais: [ibaptais] Ajon eduŋ nəvanuan gail len nəwai ale ipat kuv galito. Igole hən lə̄bevəsan nəpairan dan nəsaan salito, mai nautautan hən nəmauran toveveu.

bathuyah: [nəbathuyah] Nəboŋ datbisor husur nəbathudud sidato datoləboi datbisor husur alat lototoh sutuai tia, atəmadit gail, atabədit gail, alat lotopas galit mai alat lotopas galit am sutuai sutuai. Datokis galit pisi nəbathuyah sidato. Alat lotohusur gidato, anatudit gail, aməhaibəgw gail, anatulit gail van van datokis galit hən nəpasusan sidato.

B.C.: Nasihau gail lotopat a mō hən nəpasusan siYesu Kristo. Ale datuke A.D. hən nasihau lotohusur nəpasusan san.

bea: [nabeal] Narivatəvat katkat totibau, tobəlav səhor nəvanuan. Niben kavkav ikad navurun, ale iyar len narien ivat hum narivatəvat be eləboi əbiyar hum nəvanuan len narien eru.

boŋ hən Nabəbanjan: [Nəboŋ hən Nabəbanjan] Nəboŋ sua seJu gail totibau. Len nəboŋ enan ləsəhan, lobəbaŋ mai aGot. Abiltihai tutumav etutumav hən əbebəbaŋ sil nəsaban mai nəsaan seJu gail. Nəboŋ enan ipat len nahəbatı Septeba o Oktoba ɳja len nahəbatı eru enan nətas isa masuň hən nawolan.

bras: [nəbras] Nametəlai sua nətau han toyanyaŋ. Len nəbras ikad nakopa mai nametəlai sual am lokisi hən nasiŋk artobon. Nasiŋk evi nametəlai tokabut gol nəkapa.

brons: [nabrons] Nametəlai sua todaŋ, nətau han tomial kəkereh hun nakopa. Len nəbrons ikad nakopa mai natin artobon.

bubur: [abubur; nabubur] Nasoruan siGot əbike nabubur o abubur, evi nəvanuan ideh gotoləboii, gotoləmasi, gotoriŋ nəloṁ lan, savi natəbarehreh o naulumān gotoləŋoni o gotoke gilah maii. (Geris Jon 15.13-15.)

bältihai tutumav: *[aþältihai tutumav]* Avan sua toil a mño hən ahai tutumav gail. Vəha-sua len nasihau ūsusua eþis len naim siGot len Naut Tolo hən Naloan gail, nahudhuim lohoim buni len naim siGot. Eþis hən þigol nəda hən narivatvat totutumav hən gail þeturtur, hən nəvanuan gail ləþiveveu dan nəsaan salito. Nəbonj nasoruan siGot toke abiltihai tutumav gail, lovi alat lotovi abiltihai tutumav a mño mai ahai tutumav gail lotoil a mño. Len nasoruan þonþon datuke *hae pris mo jif pris*.

bälttiluvoh hən nasoltia: *[Nabälttiluvoh hən nasoltia]* Nabälttiluvoh hən nasoltia ikad nasoltia lotovi 600 lan.

bälttwai Kalili: *[Naþälttwai Kalili]* Len naut a Kalili ikad nabälttwai nabəlavən han tovi 21 km mai naþosəþosan han tovi 8 km. Ikad nəhes eru am. Lokisi hən nabälttwai Tiperias (Jon 6.1) mai nabälttwai Kennesaret (Lük 5.1) am.

buvimal: *[naþuvimal]* Ehum navibú tokad naþur gail lan. Nəvanuan toramíramē həni eýuv lan ale erin nəþarhuvəlan gail len naþur han gail hən þegəgel hən nəwalan han.

det: *[nadet]* Nadet ehum namətu, ebəlav, ikad nəpashəte mai ikad naþite lotohanhanı. Len naut a Israel loþilþil hən nəpashət nadet hən leþeþusani ke losəhor aenemi salito gail len nəþalan. Loþilþil həni am len nahəhaþuran.

didimair: *[edidimair]* Nəvanuan todidimaür egəgel hən nənauan san akis, sənau ləboi naþisal tonor hən þehusuri.

elefant: *[naelefant]* Naþiltirivatəvat niben totibau. Nədarinjan aruþosəþos, nahunusun

ebəlav masuv hum nəmat, ale ikad narişon
eru artobəlav habat.

emeralt: *[naemerald]* Nəvat sua nətau han
tokəskəsan, ale imasil.

Epikurian: Galit lodəlom ke nahəhaşuran evi
nəbathut nəmauran, ale ńikad nagot ideh,
nəvanuan lovi naut kəmas hən galito.

Farisi: *[naFarisi]* Avan ideh len nəpati hən
napolotik sua, tohushusur gat nakelean todan
pisi, ale topatpat gai məhat həni. Edəlom ke
ikad na-le-məhat-an dan nəmatan, mai aGot eil
a mō mai iwol hən natit pisi.

fik: *[nafik]* Ikad nəhai sua len naut a Is-
rael. Ləbimabule len naut tovoi həni, eləboi
bətibau, ale nalute iğosəşos. Nəbonj toşan,
naşit nəhai nafik ihehe, ale nəvanuan loləmas
ləbihani. Lokis nəhai enan hən nafik o nəhai
nafik, ale lokis naşit nəhai enan hən nafik.

flaks: *[nəflaks]* Natuhhai sua tokad natret gail
len natuþulon. Luvai natret gail hən ləbikad
nəkaliko tovoi.

frankinsens: *[nafrankinsens]* Nəda hən nəhai sua.
Nəbonj nəda tomasmas, egəm vi hai pəhas.
NaJu gail lovəhas niben nəvanuan tomat həni.
NaJu gail lurər hən nəvanuan həni, ale len nalo-
tuan salito lopəñasi len natutumavan husur
nəbonj tosusau.

foks: *[nafoks]* Ehəm natuhlipah nagilen
totibau. Akis ike tikat bun nəman gail be
səhanhani, mai ikad nəkadun mai nañide hum
nahit tosusuah gai. Itohtoh len naður len tan.

Friman: Naut pisi len naut a Rom lukad alat
lotovi slev a mō be ləsavi slev am, lukad

nəmakuvan tia.

gavna: [nəgavna] Nəvanuan toil a mño hən naprovens ta Rom lokisi hən agavna. Imaienan, nəboj lotopas aYesu, Kwirinius evi gavna len naprovens Siria, nəboj aYesu tomat, aPontius Pilate evi gavna len naprovens Jutea.

gol: [nagol] Nametəlai sua tomədmədau, nətau han toyanyañ buni. Nagol sətanj. Nəvat hən gəbeñur nagol etibau gol ke evi nametəlai sekiñ gail.

gomah: [ligomah] Napəhañut ɓikab buni, nahurabat san gail ɓivoi habat, ɿepəhas buni, datuke igomah. Ləbitai nəwag hən nəwag ɓivoi buni datuke nəwag igomah. Avan ideh ɓisor hən nasoran san ɿegəlgəlan, ɿebutəlas hən datbedəlomi, datuke nasoruan san igomah buni.

hai kelkel ur: [ahai kelkel ur] Nəvanuan tokel ur nasoruan aGot tokel mai. Len nasoruan ɭonbon datuke profet.

hai pispisul: [ahai pispisul] Nəvanuan aYesu tolejis həni, totabtabuh lan hən ɓikel ur napisulan san, na-kel-uri-an tovoi, mai nəvanuan gail hən natohan pipihabəlan aGot ɿetibau am tabtab. Len nasoruan ɭonbon datuke aposol.

hai ƿusan: [ahai ƿusan] Nəvanuan topusp̄usan. Galevis loðusan nəvanuan gail hən nalo siMoses, be aYesu eðusan nəvanuan gail hən natohan pipihabəlan aGot mai naðide tovoi aGot toləjoni. Lokis aYesu hən Hai ƿusan. Len nasoruan ɭonbon datuke tija.

hai susur: *[ahai susur]* Avan ideh tohusur tabtab hən avan ideh, tosəsəlonj hən naþusan san mai tosəsəlonj husuri, togol nəsa gai tokele. Len nasoruan þonþon datuke *disaepol*.

hai tutumav: *[ahai tutumav]* Avan ideh toum len naut siGot a Jerusalem. Etutumav hən naviolan nəvanuan lotoviol hən gail mai aGot, ale etutumav hən narivatvat gail mños nəvanuan gail hən þeþur kuv nəsaan salito. Len nasoruan þonþon datuke *pris*.

hai wolwol: *[ahai wolwol]* Nəvanuan towol hən nəwag wol. Len nasoruan þonþon datuke *kapten*.

hai tivtivtan: *[nəhai tivtiytan]* Nəvanuan toke timabul nawit marireu ibanjis nəhai tivtivtan len naþuluk. Ale atenan iwol, naþuluk eliv nəhai tivtivtan van, ale etivtiv tan van, nətan esəñav, utaut hən aten þimabul nawit lan. Datoləboi datbikele am ke nəhai tivtivtan ekir þuþul nətan.

hani: *[nəhani]* Natit tohehe masuñ topat len naim sesukapak.

Hermes: *[aHermes]* Nagot tovi ahai pispisul sinagot gail silat a Kris.

Herot: *[aHerot]* Len Na-kel-gati-an Veveu ikad aHerot itor:

1. Herot toyalyal evi kiñ hən naprovens Jutea nəbonj lotopas aYesu (Mat 2.1-22; Luk 1.5).
2. Herot Antipas anatun aHerot toyalyal eil a mño len naut a Kalili mai naut a Perea. Evi gai totah gat ajon Baptais ale tota kotoñ nəkadun (Mat 14.1-12; Mak 6.14-29; Luk 9.7-9). Ale evi gai tokot hən aYesu ale tosəvati

- tēlmam van hēn aPilate (Luk 23.7-12).
3. Herot Akrippa evi aməhaibən aHerot toyalyal. ASisa ta Rom itabtabuh len aHerot Akrippa hum akiñ hēn naut a Kalili, naut a Pereia, naut a Samaria mai naut a Jutea. Evi Herot Akrippa togol aJemes añan ajon tomat ale totah gat ahai pispisul gail. Be natugulas ihani imat (Uman 12.1-24).
 4. Herot Akrippa anatun aHerot Akrippa ehusur atəman hum akiñ hēn naut a Jutea. AHerot Akrippa enan mai añavinen nahəsan aPernis, arobətah mai aFestus hēn lotosəsəloj hēn aPol. Ale aHerot enan ikel uri ke aPol sagol natideh tonor hēn ðimat sile. (Ris Uman 25.13-26.32.)

hisop: *[nahisop]* Natuhhai sua nə̄bon tosusua. Nəpashət nahisop, evi natsua naJu gail lotokade len nalotuan salit gail (Exo 12.22; Lev 14.4, 6, 49-52; Num 19.2-6).

hotel: *[nahotel]* Naim sua gotoñavňav lan, gotohanhan lan, gotopatpat lan len nəyaran sam. Goňur natohan len nahotel husur nəmaribon visusua.

hulahul: *[ehulahul]* Nəboj nalipah tosəsəloj hēn nabuai tois lilihai o lathutai lotohut nəman, ile məhat, eil, ipair hēn nəhon van hēn nəwalan, namətan arosəňav, nədarinjan aroil vi məhat. Ehulahul. Len nasoruan ta Iglan luke *alert*.

hurhuwain: *[nahurhuwain]* Alat a Jutea ləsəkad naňotel ideh gol ke lobir nəwain veveu þurhulon nahurhunani o nahurhusipsip hum tovi þotel.

ikel: *[naikel]* Nəman naməsav totibau tohum

nəbal be totibau səhorı.

il-ħuri-an: [na-il-ħuri-an] Nəvanuan ħisor len na-il-ħuri-an, gai eil ħur naməmauan mai namətahwan, ale isor.

im naħonħonan: [naim naħonħonan] Len navile p̄isi náju gail lukad naim lotobonħon lan hən ləbevuruñ nasoruan siGot mai ləbeħpuñ həni. Lulotu len naim enan, be savi naim siGot, husur ikad naim sua nja siGot topat len naħbittivile Jerusalem.

im siGot: [naim siGot] Ipat len naħbittivile Jerusalem. Ikad naholəvat todar visi mai nəvanuan gail lotoum ei. Galevis lotutumav hən naviolan nəvanuan lotoviol hən gail mai aGot, galevis lokətkəta kəkol hən naholəvat hum nalipah gail. Len nasoruan siGot evi naim esan tokad Naut Tolo Masuū lohoim. Abiltihai tutumav eləboi ħebis len Naut Tolo Masuū enan vəha-sua nja len nasihau tosua.

intəres: [naintəres] Gəberiñ nəvat sam̄ len nalulutar, dereh tepisan nəvat ideh am. Ale naintəres evi nəvat, nəvat sam̄ topasi nəboñ topat tobəlav len nalulutar.

ist: [naist] Govi ist nəboñ gotovi lan naut nəmityal tovisi lan.

itian tosa: [naitian tosa] AGot idam̄ hən nəvanuan ħigol naitian mai asoan tolah kitin maii nja. Naitian ideh am evi itian tosa ale aGot emətahun buni. Ris Lev 18.6–23.

jasint: [nəjasint] Nəvat nətau han tobisibis ale eləboi ħimasil.

jaspa: [nəjaspa] Nəvat sua nətau han tomial o tokəsan o toyanyañ.

kako: [nəkako] Nəboñ dattousan natit gail len

nəwag wol o nəlanis datokisi hən nəkako. Ale nəboj nəwag wol tobar naut tovi lan edədañ ei gol ke nəkako ipat a ut. Imaienan, nəkako evi natit nəwag wol o nəlanis topat gail van.

kamel: *[nəkamel]* Narivatəvat sua nəmadun tosahsah. İhanhan naliol hum naðuluk be eləboi ɔbiyar ɔbebəlav, namunan eðuer. Husur enan lorinj natit gail len nəmadun hən ɔevusi len naut masmas gail.

karnelian: *[nəkarnelian]* Nəvat nətau han tobisis, be səmasil savoi.

kat: *[nəkat]* Natsua dattousan natideh toməlas lan tokad nawil tarhəte mai tarhəte. İkad nəkat nahos o naðuluk o nəvanuan tolivi van, ale ikad nəkat tile nəvanuan tosul həni hum dattosul hən nawilbaro.

kelean todəñ: *[nakelean todəñ]* Natideh aGot o naðiltivanuan tokel idañ hən nəvanuan ləðehusuri. Nakelean lotodañ mai nə-kai-tasi-an gail aGot tokel mai aMoses hən alat aIsrael ləðehusur gail hən ləðikad natit aGot tokel gat gail, naJu gail lokis natgalen pisi hən nalo.

kel-gati-an: *[na-kel-gati-an]* Nəboj avan ideh tokele ke dereh tigol natesua o tigol natesua balai, nəsa todam hən ɔigole timasmaienan. Nəsa tokele evi na-kel-gati-an. Len nasoruan ɔonɔon datuke *promes*.

kemkeman: *[nakemkeman]* Len nasoruan ta Uluveu datuke həhañur, len nasoruan ta Avoh luke kemkem. Ale len nasoruan siGot ike nahəhañuran hən nasoruan *welkam* mai *glad* ale ike nakemkeman hən nasoruan *joy*.

kes: *[nakes]* Nəhai bətbətah tokad narien toru ɔjai toil len nətan. Nəboj avan ideh tobətah

len nəhai bətbətah a məhat, eləboi bermanj narien gəlar lan.

kəlas: *[nakəlas]* Natit tomasil dattoləboi datbəkəta tur lan. Idañ ale ɔiteh dereh timapulpul. Nakəlas ɔikad nasilva tarhəte datokisi hən nakəlas sal be datsaləboi datbəkəta tur lan, nəboñ dattokəta vi lan, datoleleduñ ale datoris nəhodato.

koin: *[nakoin]* Nəvat lotogole hən nametəlai nagol, nasilva o nakopa. Loñur natit gail hən nəvat galenan, ale evi naþurþuran hən nauman.

komada: *[Nakomada]* Avan ideh toil a mő hən nasoltia gail.

kopa: *[nakopa]* Nametəlai sua tomədmədau, nətau han tomial. Nəboñ nakopa totañ, egəm kəskəsan. Len naut a Vanuatu a mő datukad nakoin lotovi kopa. Nakoin hən nəwan vatu mai nakoin hən natu vatu arovi kopa.

krep: *[nakrep]* Ikad nəhau sua tovən len nañtilihavhəte. Nañit nəhau enan ihehe masuv, ale lupal dasdas nañit nəhau hən nasuhute ɔisel. Nasuhute topat tobəlav kəkereh egəm vi wain. Nañite mai nəhau, lokis gəlar pisi hən nakrep.

krisolait: *[nakrisolait]* Nəvat nətau han toyanyañ ale tomasil.

krisopres: *[nakrisopres]* Nəvat nətau han tokəskəsan ale tomasil.

kristal: *[nakristal]* Nəvat tomasil hum nakəlas, səkad nətau ideh.

Kristo: *[aKristo]* Nəvanuan alat a Israel lotovatvat viri, nəvanuan aGot totabtabuh lan hən ɔilav kuv alat a Israel dan naenemi salit gail. Be aGot itabtabuh lan hən ɔevi kin silat lo-

torij nəlolit lan, savi kinj hən naut sua hum
aTevit tovi kinj hən naut a Israel ta sutuai.

kul: *[lekul]* Nəboj̄ avan ideh sədanj husur
toməsah, niben toməhav o saləboi ɔigol natsua,
datuke ekul.

kulan: *[nakulan]* Datb̄isor husur nakulan sivan
ideh, namilen ke gai səkad nədañan.

kumin: *[nakumin]* Nəbon namisurhut naku-
min esusau, ale lorij namisurhut gail len
nəhanian.

kupit: *[nakupit]* Evi nabəlavən hən navəlan
nəvanuan, tubat len nakobkob van vəbar nag-
ilən nəyarhuvəlan. Nabəlavən hən nakupit
pəpadən hən nahudhumita.

kuvol: *[ekuvol]* Nəbon tokad natit tosoður ale
gulekis hən natit tovoi səhor gail am, gokuvol.
Gəbekuvol hən naieh len nəbilikoro, namilen
ke gulekis hən naieh tovoi səhor ideh gail am
lotopat len nəbilikoro.

lat lotokətkəta kəkol hən naim siGot: *[alat lo-
tokətkəta kəkol hən naim siGot]* Naim siGot ikad
naholəvat todar visi. Ahai tutumav gail mai
nəvanuan len nahəmar a Levi loum len naut
enan, be len nahəmar a Levi, galit galevis loum
hum nalipah seb̄iltihai tutumav. Lokətkəta
təban naut enan mai lokətkəta kəkol hən naim
siGot hən avan ideh asike bəmədasi.

lepat: *[nalepat]* Naþiltipus katkat nətau han to-
mial hum naliol tomasmas. Nalepat egəgəris.

leprosi: *[naleprosi]* Evi naməsahan hən
nahurhuben nəvanuan togəgel hən nətau
han hən þegəm pəhapəhw. Len nalo siMoses
nəvanuan tokad naməsahan tomanənan
timasrīn gaþulan nəvanuan gail am hən þitoh

a tut dan galito. Gai eðinjñjal len nabunusian sinalo. Nəborj naməsahan tonoñ, ivan hən ahai tutumav hən þebunuş vahvahur niben. Asike þisabj naməsahan ideh am, ikel uri ke avan enan iveveu, eləboi þetəlmam vahim.

Levet: Len nasoruan ta mō datokis napəhañut toyalyal hən Levet hum dattokis naulumñan toyalyal hən Nasubj.

linen: *[nalinen]* Nəkaliko pəhapəhw tokat uduud lotovaii hən natret gail topat len nalut nəflaks. Nəvanuan gail loləmasi husur sagol naut topud hən avan ideh tosun nahurabat lotosode hən nəkaliko enan. NaJu gail loruñ gol niben alat lotomat lan.

lion: *[nalion]* Nabiltiþus katkat nətau han to-mial hum naliol tomasmas. Nalion ulumñan ikad navurun ləbləbah todar vis nəhon.

lipah: *[alipah]* Avan ideh tohut nəvanuan tosa gail lotoður kotov nalo hən naut. Itah gat galito, eriñ galit len naim bəbañis o len nakotan. Len nasoruan þonþon datuke *polis*.

lo: *[nalo]* Len naut galevis len nasoruan siGot, nalo evi naloþulat erim aMoses totos gail len natuþatan hən nasoruan siGot. Ale len naut galevis naJu gail luke nalo, be namilen ke nasoruan siGot kavkav. Ale len naut galevis am nalo evi nəsa aGot tokai tasi mai nakelean limasgol husuri.

lokust: *[nalomust]* Ehun natohtohlomətu, ihanhan natideh tokəsan ale egəm len nabiltivəshəte tohum nəmarigw. AGot idam hən alat a Israel ləbihan nalokust.

madihdih: *[imadihdih]* Natideh dattoke tomadihdih ipat magenan akis, gole ke

datðike naðurhuwai imadihdih, namilen ke naut kəmas dattovəvaut kuv nəwai tosoður, nəwai ipat pítþitoð ñai. Nəðanjan siYesu imaienan, naut kəmas galevis ivan dani, nəðanjan san ipat pítþitoð ñai.

mail: [nəmail] Nəmail silat a Rom evi namita tovi 1500.

malperi: [nəhai malperi] Naðiltihai tokad nəharhəte topat nasiñau tosoður, toharhar təlmam. Iðvan hən naðit len natuhhavhəte. Nəbonj naðit nəmalperi tomen ibonjboñ buni o imotmot ale ihehe masuñ.

mañmanj: [imanjmanj] Nəbonj avan ideh toris natesua totile masuñ, iþañ habat lan, nabuñon esəñjav, namətan gəlaru arosəñjav.

mapol: [nəmapol] Nəvat tokab masuñ husur tokad nətau tiltile gail. Loum hən naim gail mai nəlablab gail həni.

maribonj: [nəmaribonj] Len nasoruan siGot nəmaribonj evi nəboñ sua kavkav, nalennəyal sua kavkav mai nalenmariug sua kavkav.

matuan: [nəmatuan] Nəboñ dattomabul nəhanian, itov, ale iðvan. Hum ma toðan hən naðite, hum ma toðan hən nəhanian tin pipitan. Ale nəboñ nəhanian tomatu datutarive o datokir susuri. Alat alsrael lotomabul nawit, nəboñ tomatu luta kokotovi. Ale datokis nəboñ enan hən nəmatuan. Len nasoruan ta Iglan datuke *harvest*.

merikel: [namerikel] Natesua avan ideh saləboi þigole, be nəboñ aYesu togole, nəvanuan þisi lumañmaj lan.

məlauah: [naməlauah] Nəlablab topat mashuwag.

mənas: [namənas] Nəkabkabilan mai na-mñial-

habat-an togəm len aGot, ale topat len naut aGot totoh lan. Len nasoruan ta Iglan, datuke *glory*, be nasoruan enan ikad namilen tile am toke nəyalyalan.

mər: *[namər]* Nəda hən nəhai sua. Nəboŋ nəda tomasmas, egəm vi hai pəhas. NaJu gail lovəhas niben nəvanuan tomat həni, ale lopəŋas namər hən nə̄bon nəbasuhab ɬesusau.

mina: *[namina]* Evi nakoin silat a Kris tovi nəvat hən naþurþuran hən nauman hən nahəbatı totor.

mint: *[namint]* Naluhai sua nə̄bon tosusau. NaJu gail lorinjı len nəhanian.

mitisau hən nəmauran tonor: *[namitisau hən nəmauran tonor]* Namitisau evi naləboian dat-tokade husur dattosəkul, o naləboian dat-tokade hən dattogol natsua. Ale avan sua ikad namitisau hən ɬitawag, avan tile ikad namitisau hən ɬeum hən naim o hən ɬevəteh navus mai nəwei, be ləsəkad namitisau hən nəmauran tonor. Avan ideh tonau naləboian tokade len nəmauran san, ale tonau nəsaban san gail, be togol nañide tonor aGot tohəhañur həni, gai ikad namitisau hən nəmauran tonor.

Nasub: *[Nasub]* Len nasoruan siGot nasub ikad namilen tiltile gail. Nəboŋ toþol husur naslev mai nəmasta san, naslev ekis amasta hən Nasub. Nəboŋ avan ideh tosor mai nəvanuan totibau o nəvanuan tovat nəhes, ekisi hən Nasub. Vəha-sobsoþur nəvanuan gail lokis aYesu hən Nasub husur loputsani len nənauan salito. Alat lotoriŋ nəlolit len aYesu lokisi hən Nasub husur tomat hən ləþikad navoivoian mai aGot, mai nəmauran vi sutuai. Ale len

nasoruan siGot ta mõ lokis aGot hən Nasub aGot.

Natun aGot: *[aNatun aGot]* Nəhes sua nasoruan siGot tokis aYesu həni.

Natun Nanoran: *[aNatun Nanoran]* Nəhes sua nasoruan siGot tokis aYesu həni.

Natun Nəvanuan: *[aNatun Nəvanuan]* Nəhes sua nasoruan siGot tokis aYesu həni. Datusabî len naloðulat Daniel hum tovi aKristo (Dan 7.13-14), be len naut sual am len naloðulat enan (Dan 8.17), mai len naloðulat Ezekiel, anatun nəvanuan evi nəvanuan ɳai, savi aYesu.

nau-utaut-an: *[nə-nau-utaut-an]* Nəboŋ gotosor utaut həni ke gigol natsua, gusor mai nəvanuan tile gail. Gə̄binau utaut hən gə̄bigol natsua, gunau len gaiug sə̄bom̄.

not: *[nanot]* Govi not nəboŋ namityal tovisi len navəlam̄ nəmatu. Len naut a Uluveu datuke datovi pan.

oil: *[naoil]* Natit tohum nəwai be tobutəlas. Nəboŋ dattobul həni mai nəwai, isal Ɂoniwai. Ikad naoil tiltile gail, naoil ipat len naþus, ipat len nəlal mai nabəŋletw, ale datobir naoil tile len naenjin hən ɬigam ɬivoi. NaJu gail lugol naþiltivat erib, bul dasdas nañit naoliv hən lə̄bikad naoil han.

oliv: *[naoliv]* Ikad nəhai sua len naut a Israel. Nalute imanivəniv ale ikad nañite. NaJu gail lugol naþiltivat erib, bul dasdas nañit naoliv hən lə̄bikad naoil han. Len nasoruan siGot datokis nəhai enan hən naoliv o nəhai oliv, ale lokis nañit nəhai enan hən naoliv.

omeka: *[omeka]* Len nəalfapet silat a Kris, omeka evi naleta naməkot.

oniks: *[naoniks]* Nəvat sua nətau han totiltile be

gəsaləboi gəbəkəta tur lan.

pali: [nəpali] Nəpali evi liol sua tokad namisurhute. Hum namisurhuwit, nəvanuan lolis dasdas namisurhupali gail hən əbegəm vi flaua hən ləbipan nabəta həni.

panismen: [nəpanismen] Nəboj gotogol tosa, ikad natesua todaq əbibar gaiug, napəyasan o natunusian o nabilasian o natohan len naim bəbanjis.

Pasova: [nəPasova] Nəhanan hən NəPasova evi nəhanan seJu gail husur lohəhañur hən nəboj aGot togol p̄is ahai a mō silat a Ijip lotomat be səbar alat a Israel.

paus: [nəpaus] Len nasoruan siGot egai ikad namilen eru. Esua, natsua lotopat nəvat əburhulon. Togon, natsua lotosiriv hən naňu nəbəlan lan hən ləbipati van.

peril: [naperil] Nəvat nətau han tokəskəsan ale tomasil.

perŋan: [iperŋani] Datbike nəmargobut iperŋan naut p̄isi, namilen ke naut p̄isi evisivis lohoim mai vivile. Datbike nəhanian iperŋan naut p̄isi, namilen ke lopəpehun nəhanian van hən naim p̄isi, ideh səpar. Datbike na-kel-uri-an tovoi iperŋan naut p̄isi, namilen ke nəvanuan len naut p̄isi losəsəlonj həni.

pəhav utaut: [epəhav utaut] Avan ideh ikel ur natideh savisi sal, be dereh tevisi balai. Len nasoruan siGot, nəvanuan gail lotomaienan lukel ur nəsa aGot tokele ɣai. Len nalo siMoses ikele ke, nəboj avan ideh topəhav utaut, asike əbisarpoh, nəvanuan gail limastubuni (Deu 13. 1-5).

rue: *[narue]* Naluhai sua nə̄bon tosusau be nabus han tokon. NaJu gail lugol nalukai nareran həni ale lorinj.

reven: *[nareven]* Evi nəman naməsav tomermer. Etibau ale ihanhan natideh, hum namisurhutit gail, natit tomat gail, nāvite, mai natuhtit tokəlah gail.

rūbat: *[erūbat]* Nəboŋ dattogol nəsaan datimaspanis sile, ale nəpanismen evi matan. Nəboŋ aGot torūbat nəsaan dan gidato, ehum tokas kuvi hən asike datbipanis sile am. Datbike nəsaan sidat imarūbat, namilen ēpit̄pitō. Len nasoruan ̄bon̄bon datuke *fogif*. Len nasoruan siGot, nəboŋ toke sah rūbat, namilen ke nəhau tobaŋis gat natsua səbaŋisi am.

saan: *[nəsaan]* Datupair dan aGot, datugol nəsa aGot tomətahuni, nəsa togol dattopəpehw dan aGot. Nəsa aGot toke tosa, datugolgole. Ale nəsa aGot toke tovoi, enan datsagole.

saban: *[nəsabar]* Len nəmauran sidato datohusur sulū nāpisal tonor.

safaia: *[nəsafaia]* Nəvat sua nətau han toboŋboŋ ale imasil.

salfa: *[nəsalfa]* Nəvat sua nətau han toyanyaŋ. Goləboi gə̄bisabi pəpadaŋ hən nəhab a Bu.

Sanhitrin: *[nəSanhitrin]* Nalūvh hən alalumən totibau seJu gail lotobətah hum nakotan. Alat lotobətah len nābon̄bonan enan lovi: ābilihai tutumav, alat lotolav namilen a mō mai nəbathudud galevis salito, alat lotoil a mō hən naJu gail mai alat lotokad namitisau hən nalo siMoses. Len nasoruan ̄bon̄bon datuke *kaonsel blong ol man Ju*.

Sappat: *[nəSappat]* Nəmaribon̄ aGot torinj ke tovi

nəmaribon hən nəŋavŋavan. NəSapat seJu gail etuňat nəboŋ namityal tomasur len naFraite ale ivan vəbar namityal tomasur len naSatete.

sata: [nəsata] Nəsata ehum nəhad naju gail lorinj nəflaua lan nəboŋ lotobul dasdas namisurhuwit. Datsaləboi naməlasan han, be datoləboi ke nəsata totor hən nəflaua evi nəflaua tosoðbur.

Sattiusi: [naSattiusi] Avan ideh len nəpati hən napolotik sua, sadəlom ke ikad na-le-məhat-an dan nəmatan. Galit isoður lovi ahai tutumav mai abiltihai tutumav gail.

saut: [nasaut] Govi saut nəboŋ namityal tovisi len navəlañ nəmair. Len naut a Uluveu datuke datovi məhat.

Selot: [naSelot] Nəvanuan len naluňoh sua lotoke naut a Jutea tepəpehw dan alat a Rom, lotoke libal mai galit hən naut a Rom asike teil a mño hən naut a Jutea am.

senturion: [nasenturion] Nasoltia toil a mño hən nasoltia lotovi 100.

Seus: [aSeus] Nagot toil a mño hən nagot pisi silat a Kris.

səkel: [nasəkel] Len nasəkel, nəvanuan enənoň hən naməlasan nametəlai gai toləboii mai naməlasan hən natit gai saləboi, hən þeləboi naməlasan hən natenan.

səkul: [esəkul] Len nasoruan siGot, namilen səkul evi səkul hən namitissau, savi nalotuan.

sikamor: [nəhai sikamor] Evi nabiltihai nəda hən topəhapəhw. Navít nəhai nasikamor iyanyaŋ o ebisibis nəboŋ tomen ale nəvanuan luhanhan gail.

silva: [nasilva] Nametəlai sua, nətau han tomasiav. Nəboŋ nasilva totaŋ, egəm motmot.

Gegai datukad nakoin lotohun nasilva. Nakoin hən naten vatu, nakoin hən natwenti vatu mai nakoin hən nafifti vatu lohun nasilva.

sinamon: *[nasinamon]* Nahuruhai sua nə̄bon tosusau lotorinji len nəhanian hən lə̄bigol nabus han ɔivoi.

Sion: Len Nasoruan siGot, lokis nabiltivile siTevit hən naut a Sion, ale lokis nabiltivile Jerusalem hən naut aSion am, mai Jerusalem veveu. Ale len nalobulat Ipru, Sion evi alat siGot (Ipru 12.22-23).

Sisa: *[aSisa]* Naulumān ideh toil a mō hən alat aRom hum tovi kiŋ salit gail, lokisi hən aSisa. Ale nəhes enan tovati egəm len nəvanuan toil a mō hən naut a Rom sutuai tia, nahəsan aJulius Sisa.

skopion: *[naskopion]* Len naut egai datokisi hən nahuthut, be savi huthut totoh len navis. Evi natuhtit sua tokad narien toməlevtor. Ikad narivíron totibau a mō hun nahuh, ale ikad nagilen tobəlav kəkereh toləboi ɔevin nəvanuan. Len naut egai datukad natuhtəte gail ɔnai be len naut tiltile lukad nažiltihəte. Nəboŋ tovin nəvanuan, navinian eləboi ɔigol nəmatan.

slev: *[naslev]* Nəboŋ alat a Rom lotobal mai alat naut tile, ale lotosəhor galito, losəhar nəvanuan nə̄balan isoður dan naut enan vi Rom. Len nəmaket loður hən galito hum nabuai o nažuluk o nabəaŋ o nəhab. Nəvanuan toður naslev len nəmaket etəgau nəmauran san. Eləboi ɔigol timat o riŋi mai naslev pəhañut hən arþipas naslev ideh am. Nəmauran hən naslev savi esan, ipat len gai toðuri len

nəmaket.

sogsog: *[sogsog]* Naulumān o nabuai o naħuluk səkad nədavurhut naloson, husur avan ideh totev kotovi.

sohotut: *[isohotut]* Datħisohotut hən datħigol natsua, namilen ke datsənau savoi be datugol tutut həni ale datugol suluvi.

soltia: *[nasoltia]* Nəvanuan tokad nauman tovi nəħbalan. Esua len naluvoħ lotobal len nabiltibalan. Datokis naluvoħ enan navəshəsoltia.

sor levlev: *[isor levlev]* Nəboj dattosor len nəbathusoruan sua, esua isor tarhət, togon isor tarhəte van vəbar ħimasil len nənauan sidat pisi. Len nasoruan ħonbon datuke *dibet*.

sor vəsvəsaii: *[isor vəsvəsaii]* Nəboj gotosor husur natesua nəvanuan gail ləsaləboii, gusor van hən gəħbigol ħiġarġar len nənauan salito.

sor-tastasi-an: *[na-sor-tastasi-an]* Nəboj lotokot hən avan ideh, len nakotan, avan ideh eil, ikel ur nəsa tosa avan enan togole. Na-keluri-an enan evi na-sor-tastasi-an.

sparo: *[nəsparo]* Evi natuhman naməsav toməlməlah len tan ale hanhan ei. Naut a Vila ikade.

statia: *[nəstatia]* Nabəlavən hən nəstatia evi nəmita tovi 185.

Stoik: Nəvanuan galevis lotodəlomi ke nəvanuan ɻaj ikad nənauan tonor hən ɬekəta təban gai səħon. Lunau ke nagot evi natit pisi len navile a pan, ale nəvanuan pisi mai natit pisi lopitpito.

sukapak: *[nasukapak]* Natuhtite toməlməlah ale niben ikad navurun. Ikad nəwei hum

navəvəlas. Ikad nasukapak lototoh sə̄bolito ale ikad galevis am lototoh ɔ̄onɔ̄on len navəshete, ale lotoum ɔ̄onɔ̄on. Galenan loum hən naim, ale ɔ̄urhulon naim ehum naim sevəvəlas. Len naim lusah tuan natit tohehe masuv dattokisi hən nəhan.

talent: [nətalent] Nətalent nasilva evi naþurþuran hən nauman hən nəsilhau tovi 15. Nətalent nagol etibau vəha-30 səhor nətalent nəsilva.

tav: [nətav] Nəman sua tohum navimal be epəhapəhw.

tehan: [natehan] Nəboj nəvanuan toteh, igol nəsa hən toteh ale iteh mabe? Len nañide enan datusor husur natehan san.

tenarius: [natenarius] Evi nakoin sua ta Rom, alat a Jutea lotoður nətaks salit həni. Evi nəvat naþurþuran hən nauman hən nəmariboj to-suā ñai.

til: [natil] Naluhai sua nəbon tosusau. NaJu gail lorinjı len nəhanian.

tin: [natin] Nametəlai sua tomədmədau, nətau han tomasiav. Natin sətañ. Len naut a Vanuatu natin, naiyh tuna topat ɔ̄urhulon, loum həni hən natin.

tiv-dalusi-an: [na-tiv-dalusi-an] AGot ikel na-kel-gati-an sua mai aApraham mai nəpasusan san van vəbar aMoses. AGot ike, naulumən san gail ləbetiv dalus navunut salit mai sinat-ulit gail hən ɔ̄imasil ke lotodam hən na-kel-gati-an siGot, dereh gai tetəgau gat na-kel-gati-an san (Gen 17.10-14; Lev 12.3).

tivtiv tan: [etivtiv tan] Nəboj naðuluk toliv nəhai tivtivtan van, etiv nətan gol nətan esəjav,

ale eutaut hən nəvanuan bimabul namisurhut
gail lan.

tonki: *[tonki]* Ehum nahos be nədarijan arobəlav.

topas: *[natopas]* Nəvat nətau han toyanyaŋ ale
tomasil.

trahma: *[nətrahma]* Nakoin tovi naþurþuran
hən nauman hən nəmaribon tosua.

trakon: *[nətrakon]* Ehum nabiltimət totibau o
nabiltiməhob totibau tokad nəhabəlan. Len
nasoruan siGot akis nətrakon evi Setan.

trampet: *[nətrampet]* Natsua lotoum həni hən
nametəlai, ale nəboŋ lotoðuv lan, iwal səhor
nəwalan hən nahəmadu.

tret: *[natret]* Nəhau tomanivəniv lotosəsod həni.

tsen: *[natsen]* Nəhau todaŋ tovi metəlai. İkad
nariŋ tosuhud nariŋ togon van van ebəlav.

tunusi: *[etunusij]* Nəboŋ dattogol natideh o dat-
tokel natideh nəvanuan tile toləŋon tosa sile,
datotunus nəvanuan enan. Nəlon avan enan
imabe? Hum ma nəlon topaŋpaŋ, hum ma
nəlon sədaŋ am, hum ma tololosa, be nəlon isa.

ut Tolo Masuň: *[Naut Tolo Masuň]* Naim siGot
ipat len naþiltivile Jerusalem. Naim siGot
ikad naholəvat todar visi. Ale len naim siGot
ikad narumň eru. Narumň bopita, lokisi hən
Naut Tolo, ale narumň tarhəþiltikaliko lohoim,
lokisi hən Naut Tolo Masuň. Avan ideh saləboi
þeþis ei, be abiltihai tutumav eləboi þeþis
vəha-sua len nasihau ȳesusua.

vaipa: *[nəvaipa]* Evi nəmət tosa. Nəboŋ tohat
avan ideh nabehi han igol avan enan imat.

vanuan Nanoran: *[Nəvanuan Nanoran]* Nəhes
sua nasoruan siGot tokis aYesu həni husur gai
inor buni.

vanuan nətaks: *[nəvanuan nətaks]* Nəvanuan

tolavlav kuv nəvat dan nəvanuan gail mōs nəgavmen a Rom.

vatvat viri: *[ivatvat viri]* Nəboj gototoh vir natesua hən beschäftigung, ale goləboi tia ke dereh tevisi, be gəsaləboi nəboj o namityal han, guvatvat viri. Len nasoruan ʃonbon datuke *hop o ekspek*.

vilesir: *[navilesir]* Natsua togol nəvanuan imat ale pelan han nəvanuan galevis am, ale sədareh isoður lumat. Len nasoruan siGot, len naut galevis navilesir evi naməsahan, len naut galevis am evi natideh tosa masuñ nəvanuan isoður lotomat lan.

vinika: *[navinika]* Nəboj nəwain topat tobəlav, nədañan eðuer am ale egəm kon. Nabus han ikon səhor naləman.

violan (hən natutumavan): *[naviolan (hən natutumavan)]* Nəboj alat a Israel lototumav, lototumav hən narivatəvat ləsəkad natideh tosa len gail. Lototumav hən nətav gail, nawit mai nəwain am. Natit pisi lototumav həni evi naviolan hən natutumavan.

vus beltəŋ: *[navus beltəŋ]* Evi natit tokad nəhau gail nəvanuan toramraməne həni hən ʃigol nəwalan ale nəvanuan lokəkai husuri sumən alathutai lotokəkai husur nakita mai napes.

visusua: *[aðisusua]* Ahañut ideh ʃikad anatun ulumən tosua ñai, datokisi hən aðisusua setəman.

visusua: *[navisusua]* Namətas o nəwei tokad namətan tosua ñai.

wain: *[nəwain]* Len naut a Jutea lupal dasdas nañit nakrep hən nasuhute ʃisel. Nasuhute topat tobəlav kəkereh esəsarəñ ale egəm vi

wain.

waks: [nəwaks] Natsua lotoum hən nəkadel həni.
Nəbonj togəm vi wai, nəwai namñial bolai.

wes: [nawes] Govi wes nəbonj gotovi lan naut
namityal tomasur lan.

wik: [nawik] Len nasoruan siGot nawik evi
nəmaribonj lotoməlevru.

wit: [nawit] Nawit evi liol sua tokad
namisurhute. Nəvanuan lolis dasdas
namisurhuwit gail hən ɿegəm vi flaua hən
lə̃bipan bəta həni.

wolf: [nawolf] Ehum nañtilipah katkat towael.

yok: [nayok] Nəhai lotorinjı len nañbuluk eru hən
arbiñon hən arþeum þonþon. Ikad nayok tile
am tovi nəhai topat len nəbathuvəson nəvanuan
natit toməlas totahətah tarhəte ale natit tile
totahətah tarhəte.

**Nasoruan siGot len nasoruan ta Uluveu
The New Testament in the Maskelynes language of
Uluveu, Vanuatu**

**Niutestamen long lanwis Maskelynes blong Uluveu,
Vanuatu.**

**Le Nouveau Testament dans la langue Maskelynes de
Uluveu, Vanuatu.**

copyright © 2013 Wycliffe Bible Translators, Inc.

Language: Maskelynes

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 18 Apr 2025 from source files
dated 31 Aug 2023

cb9da196-fced-5a7c-9540-74db5e4270fd